

CUSSEGL GROND

Sessiun da favrer 2024

Incumbensa Degiacomi concernent ils instruments da promoziun per vischnancas che vulan fusiunar

A chaschun da la sessiun da december 2023 è vegnì preschentà e discutà il segund rapport davart las structuras communalas. En la debatta èsi sa mussà che tant la Regenza sco er il Cussegl grond vulan mantegnair ils princips e la finamira concernent il dumber da las vischnancas. La dinamica da fusiun stagnescha dentant. Perquai èsi vegnì discutà en moda cuntraversa, sch'ils instruments da promoziun existents bastan per cuntanscher las finamiras fixadas. Er sche las contribuziuns da fusiun han bastà en il passà: en connex cun projects da fusiun futurs ston vegnir superads obstachels adina pli gronds. Ils suandants exempels mussan problematicas pussaivlas.

- Pes da taglia fitg differents engrevgeschan fusiuns tranter vischnancas che vulan fusiunar. I disturba che la gulivaziun dals pes da taglia na vegn betg quintada cumplettamain.
- Plinavant èsi normal che las vischnancas han adina dapli abitantas ed abitants. Tant pli disturbant èsi, che vischnancas pli grondas vegnan dischavantagiadas en connex cun las pauschalas d'abitants cun smesar las contribuziuns respectivas gia a partir da 3000 abitantas ed abitants e che las contribuziuns na vegnan insumma betg pli resguardadas a partir da 10 000 abitantas ed abitants.
- Ultra da quai n'exaurescha il chantun betg cumplettamain la libertad d'agir per la durada da l'imputaziun en connex cun differents facturs da contribuziun da cumpensaziun.

Quai èn trais exempels, sin tge nivels ch'ils instruments da promoziun pudessan vegnir adattads per stimular la dinamica da fusiun. Pussaivladads d'agir pon er vegnir chattadas ed utilisadas sin auters nivels.

La Regenza vegn incumbensada d'adattar en atgna cumpetenza ils instruments da promoziun per vischnancas che vulan fusiunar u da proponer – en cas da basegn – adattaziuns en la legislaziun. L'intent è che obstachels per vischnancas che vulan fusiunar vegnian eliminads, per che las finamiras da la refurma da las structuras possian vegnir cuntanschidas entaifer in orizont da temp adattà.

Cuira, ils 14 da favrer 2024

Degiacomi, Brunold, Saratz Cazin, Altmann, Atanes, Bachmann, Bardill, Baselgia, Bavier, Berther, Biert, Binkert, Bischof, Bisculm Jörg, Bundi (Castrisch), Cahenzli-Philipp, Caluori (Bonaduz), Censi, Collenberg, Danuser (Cuira), Derungs, Dietrich, Epp, Föhn, Furger, Gansner, Gartmann-Albin, Gredig, Hoch, Holzinger-Loretz, Jochum, Kappeler, Kohler, Kreiliger, Kuoni, Lehner, Loepfe, Maissen, Mazzetta, Michael Beni (Donat), Michael (Castasegna), Müller, Natter, Nicolay, Oesch, Perl, Pfäffli, Preisig, Rageth, Rettich, Rodigari, Rusch Nigg, Rutishauser, Said Bucher, Schläpfer, Spagnolatti, Stiffler, Thür-Suter, von Ballmoos, Walser, Wilhelm